

The Electronic Manipulus florum

www.manipulusflorum.com

Sapientia uel scientia at cum fonte primo

Cum sapientia nostris temporibus nullius fructus premietur stipendiis, nullius fame eam fauoris aura extollat, ipsa uero pecunia honoris titulos et laudis emat preconia. Sola tamen sapientia super omnem possessionem preeminet. Generosa possessio que sparsa colligitur, erogata reuertitur, publicata suscipit incrementum per quam nobilis scientie thesaurus secretis penetralibus mentis innascitur, fructus interne delectationis acquiritur. Hec est sol per quem mentis lumen diescit in tenebris, cordis oculus, deliciosa animi paradysus; hec in celeste terrenum, in immortale caducum, hominem in Deum, deifice mutacionis auctoritate conuertit.

Alanus de complactu nature.

Quid prodest, cum Ptolomeo subterfugientis astronomie fugas consequi subtilitatis curriculo, stellarum prophecias, spontaneos inuestigare planetarum errores, cum Euclide geometrichorum enigmatum secreta peniciora scrutari, in profundum maris intellectu descendere, celi altitudinem intelligibilibus mensuris attingere, cum Milesio musicarum proportionum consonantes amicitias inuenire, cum Pithagora pugnas numerorum uirtute multiplicationis inspicere, cum Tullio orationem rethoricas colorum stellare sideribus, cum Aristotile ancipiti dialetice gladio a ueris falsa diuidere, cum Zenone falsitatem probabilitate tunicare sophistica, cum Donato in accidentium congruentia nectere dictiones,

cum sapientia nostris temporibus nullius fructus premietur stipendiis, nullius fame eam aura fauoralis extollat, ipsa uero pecunia honoris titulos, laudis emat preconia? Sola tamen sapientia super omnem possessionem preeminet, generosa possessio, que sparsa colligitur, erogata reuertitur, publicata suscipit incrementum. Per quam nobilis conscientie thesaurus secretis penetralibus mentis innascitur, fructus interne delectationis acquiritur. Hec est sol per quem mentis diescit in tenebris, cordis oculus, deliciosa animi paradysus. Hec in celeste terrenum, in immortale caducum, hominem in deum deifice imitationis auctoritate conuertit.

Alanus de Insulis, *De planctu naturae*, 12 (N.M. Häring ed., p.856, ll.114-132).